


Иван Афанасьевич Бубякин – Чөнгөчөх
Дьахтар

Дьизэбэ киирэн кэллэххинэ,
Ичигэс, ыраас, ньир- бааччы,
Бэйэнг да билэ иликкинэ,
Туох эрэ үтүөнү саҕааччы.

Ити дьахтар, дьизэ куттаах
Бэйэтэ да билбэтинэн дьайаахтыыр,
Аһыныгас намчы ауралаах
Сылаанньыта сынньатан угуттуур.

Соҕотохсуйан, чээйгин өрүттэххинэ,
Үчээни, хаһаарыманы саныыгын,
Киирэн кэлбитин биллэххинэ,
Бу үчүгэйин – остуолга күнү барыыгын.



Уһун суһуох

Сүүрүк сылгы
Кыллаах сиэлэ
Элэс гынан аастаҕа,
Саха кыыһын
Толбон оонньуурн
Суһуоҕа сөрөөн үөртэҕэ.

Хайа сокуон
Эдэр сааһы
Саатар начаас төннөрүүй,
Ити суһуох
Аптаах сыта
Суулуу кууһан дуоһутуой!

Элбэх эрэй,
Дьоллоох олох
Эридьиэстэнэн аастаҕа,
Ити суһуох
Улам кылгаан
Сүрэххэ сөҕөн истэҕэ.

Ситэн – хотон
Сиэрэй баттах
Иэдэспитин сылытта,
Уһун суһуох
Өйгө тиллэн
Үйэбитин уһатта.



Кыыс оҕо

Кыыс оҕо бөх биһигиттэн
Иччилиир, харыстыыр ымыылаах,
Чуочайбытын иһин ис – иһиттэн
Абырыыр эрэ баҕа санаалаах.

Тот сылдьан, аһыы сатаабыккын
Туохха да холообоккун,
Аччык туран, салбана түспүккүн
Үйэҥ тухары умнубаккын.

Танас сууйан, дьыэ харбаан
Чэйгэ ыңгыран күндүлүө,
Ол курдук аанһал буолан
Эн олоххун киэргэтиэ.
1997с.



Ийэ

“Ийэбэр этиэм” –
Иэдэһин сыыһа болтоллон
Улаханлык куттаата.
Ийэтэ куттаммат, кыайтарбат
Таас хайаҕа тэнгэннэ.
Санна чарааһыан, дьарамайыан
Син биир бухатыырынан кэмнэннэ.
Улаатара бытаан –
Тимир аалыыта,
Иринньэҕэ дьулаан
Иэһин төлүүрэ кый – ыраах.
Ийэ – хоһуун үлэһит,
Ийэ – намчы оҕоһут,
Ийэ – бастың асчыт
Бүтүн дьизэ дьону тоторор.
Айылҕа маанылаабыттан
Элбэҕи ааттаталыа ,
Икки атахтаах бииһиттэн
Ийэни талыам.
Оҕо барахсан
Эттэ ээ:
“Күнү көрдөрбүт –
Күн ийэм
Күнгэ да биэрбэппин
Мин ийэм”.